




御選明詩卷第五十三目錄

五言律詩四

周述二首

周孟簡一首

陳敬宗四首

王英六首

王直八首

周忱二首

李昌祺九首

魏驥八首

柯暹一首

陳全二首

熊槩一首

陳循二首

高穀一首

鄭珞一首

周叙三首

劉鉉一首

薛瑄十首

于謙七首

偶桓一首

郭廔一首

施敬一首

劉叔讓一首

李悌謙一首

劉績四首

鄭嘉一首

董儒一首

廖駒一首

朱純二首

賀言二首

高璧一首

沐璘三首

潘亨三首

岑琬一首

秦旭一首

高得暘二首

胡粹中一首

唐子儀一首

林文一首

王誼二首

劉珏四首

張和三首

祝顥三首

姚夔一首

項忠一首

卞榮一首

陳憲章二十首

鄭文康二首

周鼎二首

郭登三首

柯潛一首

王饒一首

楊守陳二首

童軒十二首

徐溥一首

李裕一首

張寧二首

丘濬二首

杜庠一首

陳贄一首

劉溥七首

沈愚一首

蘇正二首

晏鐸一首

蔣主孝三首

蔣主忠一首

王貞慶一首

顧亮一首

孫寧一首

李殘一首

徐貫一首

鄭紀一首

秦夔四首

陸鈇一首

李東陽八首

姚綬一首

沈蔡一首

吳伯通一首

吳與弼二首

羅頎二首

劉恕一首

劉師邵二首

祝祺二首

姚翼一首

蘇大一首

魯道一首

滕鸞一首

懷悅五首

御選明詩卷第五十三

五言律詩四

周述

賜觀燈詩

今夕逢元夕歡聲遍九垓
星臨銀漢動月傍碧空來
紫禁千花繞金門五夜開
聖情同宴賞玉漏不須催

寄楊顯道先生

我憶楊夫子風流似昔人
素琴長對月白髮不憂貧
彭澤陶元亮稽山賀季真
相思欲相見烟樹幾回春

周孟簡

丙午除夕

爲客逢今夕寧親憶去年一尊終不醉孤館自無眠家在雲山外身依日月邊何堪雙鬢改又值歲華遷

陳敬宗

元夕賜觀燈應制

皓月金門夜和風玉殿春雲移三島近燈簇萬花新天仗臨月宸星橋接紫宸中官宣德意宴賞及羣臣

紫禁疎鐘靜高城刻漏傳五雲迎寶蓋萬戶綴金蓮瓊醴行仙席龍盤進御筵教坊呈百戲齊過玉階前

紫陌連清禁彤樓接絳河九門星彩動萬井月華多寶炬通宵晃鸞笙協氣和臣民涵聖澤齊唱太平歌

山擁金鰲壯雲盤綵鳳來星河隨斗轉珠闕倚天開歡

洽春聲徧恩從淑氣回
願歌魚藻咏長奉萬年杯

王英

扈從晚宿夾溝

初雨過符離雲霞望欲迷
垂鞭信馬去傍輦聽鶯啼
山繞行營外溪迴帳殿西
夜深聞鼓角天近月華低

贈伍子正還巘山舊隱

積翠羣峯出盤雲古洞深
澗花春帶雨山水晚澄陰
猿鶴多年別江湖萬里心
還攜謝安妓歸去一登臨

挹秀軒

勝地風煙外遙山紫翠分
花飄萬壑雨簾捲半溪雲
鶴語林間聽樵歌谷口聞
不妨招鄭老對酒夜論文

酬王尊師仙遊

翠水三山路微茫見十洲月臨珠斗迴雲度絳河流露
氣生鼇背簫聲出鳳樓慙無學仙分得伴赤松遊

題龍氏龍州書館

幽居如杜曲松竹舊時栽溪路隨花入柴門傍水開風
來書帙散月出棹歌回還共王喬輩吹簫坐紫苔

秋初有懷呈曾侍講彭脩撰二公

律應清商動涼生大火流梧飄金井露雁度玉門秋爽
氣消殘暑砧聲報遠愁佳期七夕近乘月却登樓

王直

過曲江

稍稍滄江曲亭亭日向低舟人方利涉客子未安栖度
鳥衝山帶飛鳬踏水梯引杯觀物性不惜醉如泥

端午日觀打毬射柳應制

玉勒千金馬琬文七寶毬鞚飛驚電掣仗奮覺星流歟
過成三捷歡傳第一籌慶雲隨逸足繚繞殿東頭
楊柳綠含滋琬弓縱射時向風飛白羽和露折青絲輦
路晴光動旌門午漏遲營前撾鼓急捷報萬人知

村居

古岸輕煙外深林夕照邊疎籬孤徑窈茅屋數家連花
暝流鶯歇沙平乳犢眠桑麻青滿眼幽思頗相牽

雪

大雪下龍墀蓬萊曙色移光通九華殿花滿萬年枝賦
擬梁園作歌憐郢曲詞西山臨魏闕相對玉參差

月下對酒

萬里浮雲盡孤城畫角殘月從今夜滿人在異鄉看隱
隱關山遠淒淒風露寒客愁難爲減應賴酒杯寬

得兄行敏書知在臨清將北上

嶺外三年別天涯萬里迴書從今日到船向幾時開落
日關山遠清秋鴻雁來重陽看漸近同醉菊花杯

雨

野迴雲容黑汀長雨氣寒春隨花片減愁向酒杯寬亂
水通流急孤舟逆上難白鷗渾自得來往任風湍